

ուրիշներ. — ակնարկ մը կայ փառաստու
Բիւզանդի բով (Գ. դար): Որոշ վկայու-
թիւն մը կ'աւարտուի (կապագովկացոց) Ղե-
ւոնդ Պատրիարքէն մեր Գրիգոր Լուսաւո-
րչին ուղղուած նամակին մէջ, մէջբերուած
Ջենոր Գլակէն (Գ. դար)²⁴: Ուրիշ յստակ
վկայութիւն մ'ալ ունինք Ստեփանոս Սիւ-
նեցիի բով (Բ. դար) (տես Գիրք թղթոց
323): Պակաս չեն վկայութիւններ նաեւ
յոյն և ասորի հեղինակներէ, այսպէս օր.
յոյներէն՝ Նիկեփոր կալիստոս՝ Բ. դարուն
(տես պատմ. Եկդ. Բ. 100), Նիկեոս
Դաւիթ՝ Բ. դարուն վերջերը (տես P. G.
105, էջ 208. Վարք սրբոց, Թ. 475,
452) և ուրիշներ: Ասորիներէն՝²⁵, Մի-
քայէլ ԺԲ. դարուն, Գիոն. Բարսաւրի
նոյնպէս ԺԲ. դարուն, Բարհերբէոս՝ ԺԳ.
դարուն (տես Chabot, Chron. I. 148)²⁶:
Ասոնցմէ զատ « երկոտասան Առաքելոց »
հատին մէջ, մեր ճառարներուն մէջ Ս.
Տորթէոսի տրուած, կը յիշուի Ս. Բար-
թոլիմէոսի Հայաստան գալը և հոն նահա-
տակուիլը²⁷: Այս բոլորէն կը հետեւի որ
բոլորովին անհիմն աւանդութիւն մը պէտք
չէ նկատել:

Ծան. ր) Խիստ քննադատ մը կրնայ

(24) Հմմտ. Ջենոր Գլակ « Պատմութիւն Տարօնոյ », վեհաժողով 1832, էջ 10: Հ. Գաթրճեանին համաձայն Է. դարու զրութիւն է այս նամակը (տես Ս. Պատրիարք. էջ 76 ծանօթ. 2):

(25) Օր. հմ. Մար. Մալգուն կ'ըսէ « cadaver S. Bartolomei ut putent Caldae est in Armenia » (տես Առաքելական Գ. 306. մէջբերուած Հ. Բ. Սարգիսեանին Բազմ. նոյն տ. էջ 114, ծանօթ. 4):

(26) Հմմտ. այս բոլորին համար Հ. Վ. Հապունիին « Կարեւոր ինդիքներ Հայ Եկեղեցւոյ Պատմութենէն », յղարկել զԱստուածամայրն իւրեանց »:

ԾԱՆՕԹ. — Այս բանախօսութիւնը կարդացուեցաւ 1949-ի Նոյեմբեր 8-ին, երբ պաշ-
տօնական բացումը կը կատարուէր Միսիւրեան ճեմարանի գործունէութեան տարեկան ժողովին
(ըստ աշակերտեան միջոց Ս. Յովնան Ոսկերեանի տօնին օրով):

Բանախօսութիւնէն վերջ, ներկայ Վ. Հայրերէն ունեւոր բանասիրական առարկութիւններ
կատարեցին. փնտրանքներ զօրացաւ Մ. Խորենացիի նկատմամբ. մանաւանդ յիշուած
նամակին հարազատութեան հարցը շատ կենսորոշ երեւցաւ, ընդ այստեղական ակնարկներու,
ընդ նաեւ յեղուական դժուարութիւններու պատճառով, որոնց լուծումը կը մնայ տակաւին
քննելի և ուսումնասիրելի:

ԽՄԲ.

ըսել որ Մ. Խորենացիի վերոյիշեալ նա-
մակին մէջ, յայտնի կերպով չի յիշուի
Ս. Կոյսի մարմնով և հոգով վերափո-
խուիլը, այլ թէ անոր ամենասուրբ մար-
մինը երեք օրուան երգերէն վերջ հրեշ-
տակներու ձեռքով երկինք կը փոխա-
ղուի²⁸: Որուն քանի մը խօսքով միայն
պատասխանելէն առաջ, անգամ մը եւս
կ'անդադարձնենք, որ այս ուսումնա-
սիրութեան մէջ բուն նպատակնիս չէ
վերափոխման վարդապետութեան կերպը
բացատրել մեր բով, այլ պարզապէս ա-
նոր գոյութեան ժամանակը: Գալով զը-
ժուարութեան, կը յանձնարարեմ նախ և
առաջ որ վերոյիշեալ պատմութիւնը իր
բոլոր ամբողջութեամբ նկատուի, մասնա-
ւորապէս եղած զժուարութեան նախնիաց
մասը²⁹: Կամ նոյնիսկ ուղղակի կրնանք
պատասխանել այսպէս. — նամակին մէջ
կ'ըսուի որ Ս. Կոյսի մարմինը երկինք կը
փոխաղուի. արդ շատ բանաւոր է ենթա-
դրելը անոր միաւորութիւնը հոգւոյն հետ,
կամ փոխաղութենէն առաջ կամ անկէ
անմիջապէս վերջ երկինքի մէջ:

2. ՅՈՎՀԱՆՆԷՍ ԽԱՅԵԱԹ

(շարունակելի)

Վեհեթիկ 1927, էջ 61-67 (այնուհանդերձ որ նա տար-
բեր կարծիքի է):

(27) Հմմ. « Ճառքներ Բ. », « Յուցակ Հ. Ջե-
նորաց »-ին մէջ սիւն 40, յօդ. 16 (ինչպէս նաեւ
Բազմ. նոյն տ. էջ 114, ծանօթ. 3):

(28) Հմմ. Մ. Խորենացի, նոյն տ. էջ 294:

(29) Նոյն տ. էջ 290 « Հրաւիրեալ Սրբուհին է
Փոխուի առ Որդին իւր... ժողովեալ աշակերտաց... է
յղարկել զԱստուածամայրն իւրեանց »:

ԲԱՆԱՍԻՐԱԿԱՆ

ՉԱՐՄԱՀԱՆ ԳԱՒԱՌԻ ԽՈՏԱԲՈՅՍԵՐԸ

Իրանի Սպահան նահանգի Չարմահալ գաւա-
ռը հարուստ է բազմաթիւ խոտաբույսերով,
որոնք դեռ բանասիրական լուրջ ուսումնասի-
րութեան նիւթ չեն դառել: Դրանցից յատուկ
ուշադրութեան արժանի են մէկը միւսից գեղե-
ցիկ տերեւներով և գոյնգոյն ծաղիկներով զար-
դարուն ինքնաբոյս խոտերը, որոնք որպէս
մարդկանց և անասունների ասորուտի հիմնական
աղբիւր, գիւղացիների տնտեսական կենսութեան
մէջ նշանակալից դեր են կատարում: Այդ
անբաժան ինքնաբոյսը դեռ են կատարում: Այդ
խոտերից ոմանք ունեն նաեւ բուժիչ յատկու-
թիւն և գեղջուկների առողջապահութեանը մե-
ծապէս նպաստում են: Կան խոտեր էլ, որոնք
արտադրում են ընտիր ներկեր և իրենց սիրուն
երանգներով փայլ տալիս գորգագործութեան
արեստին: Բոյսերից ոմանք էլ ունեն անոյշ
բուրմունք և բարձրացնում են օդը, պանրի ու
թանի առանձնատկութիւնը: Կան բոյսեր,
որոնցից մեղուները նեկտար են հաւաքում:

Չարմահալում բաւական զարգացած է նաեւ
արհեստական խոտացանութիւնը: Գիւղացիները
խորապէս հասկացել են, որ խոտաբույսերին
անասնապահութեան անշափ նպաստում է,
ուստի արհեստական կերպով խոտ ցանելը հո-
ղագործութեան հիմք են դարձրել: Այդ մշակոյ-
թից նրանք օգտւում են կրկնակի տեսակէտից.
առաջին՝ նման հողերից շատ բերք են ստանում,
երկրորդ՝ այդպիսի հողերը, հանգստացած տա-
րում, մեծ քանակութեամբ ընտիր խոտ են տա-
լիս, և երրորդ՝ նման հողերում, երբ հացաբոյս
են ցանում, էլ աւելի առատ հացահատիկ են
ստանում: Նկատենք մի կարեւոր հանգամանք
եւս. գիւղացիները խոտերի սերմերը ձեռք են
բերում հէնց իրենց արօտներից, որտեղ բուսած
լաւ խոտերը թողնում են որ մեծանան և հաս-
նեն, ապա դրանց սերմերը ժողովում են, մաք-
րում և ցանում արտերում: Ընդհանրապէս
պիտի ընդգծել, որ Չարմահալի թէ՛ դաշտային
և թէ՛ լեռնային բուսականութիւնը ճոխ է, բազ-
մազան և գունազգե: Սարերի ու դաշտերի վրայ
Ապրիլ ամսից ծլում են ու ծաղկում թաւեայ
զարկով բազմազան բոյսեր. որոնք երբ զար-
դարում են երկնքին գեղեցիկ ծաղիկներով, իրենց
զարկով են երկնքին գեղեցիկ ծաղիկներով, իրենց

նկարական գեղեցկութեամբ գրաւիչ տեսարան
են ներկայացնում և ամէն մի զգայուն հոգու
մէջ զարթեցնում են բանաստեղծական խոհեր,
յոյգերու տրամադրութիւններ: Բնութեան այդ
սքանչելի պատկերներից տաղանդաւոր նկարչի
վրձինը կարող է մի հրաշալի լեռնային կամ
դաշտային նկար կերտել: Բայց Չարմահալի
խոտաբույսերի մասին աւելի ցայտուն գաղափար
տալու համար այստեղ դնենք իւրաքանչիւրի
սեղմ պատկերը:

1. ԴԱՇՏԱՅԻՆ ԲՈՒՍԱԿԱՆՈՒԹԻՒՆ

Ա.

ՑԱՆՈՎԻ

Շառնառ: Ցանում են Յուլիսին և մի ամբողջ
ձմեռ մնում է ձիւնի տակ: Հիմում են երեք
անգամ՝ Ապրիլի վերջում, Մայիսի 30-ին և
Յուլիս 10-ին: Եղջիւրաւոր անասունների հա-
մար շաւղաւոր ծաղիկներն անշափ սննդարար
են: Նոյնպէս մեղուները շատ սիրահար են այդ
ծաղիկներին, որոնցից առատ նիւթ են քաղում:
Հօռալ (հօղար): Ապրիլին ցանում են և Օգոս-
տոսին քաղում: Չորացնում և ձմեռը, որպէս
կեր, անասուններին են տալիս.

Եօճա (առնոյտ): Ցանում են աշնան և 7
տարի հիմում: Ունի երեք փոքրիկ տերեւներ,
մանիշակագոյն ծաղիկներ և երկար արմատներ:
Անասունների համար ամենասննդարար խոտա-
բոյսն է:

Քիսիկ (կիփուսեւ): Ապրիլին ցանում են և
Յուլիսին քաղում: Անասունների կեր է:

Շաւրիկա: Ապրիլին ցանում են և Յուլիսին
հիմում: Ուտում են անասունները:

Վարսակ: Շատ կարեւոր խոտաբոյս է. տալիս
է ծղոն և հատիկ, որոնք, իբրեւ կեր, ձիերի
համար շատ օգտակար են:

Բ.

ԻՆՔՆԱԲՈՅՍ

Դաղճ: Առուների և աղբիւրների մօտ է աճում:
Թարմ ժամանակ գիւղացիները հաց ու պանիրով
ուտում են, իսկ երբ չորանում է, շատ անոյշ
հոտ ունի: Փշրում են թանի մէջ և խմում:
Ճարձատուր: Փաղում են դաշտերից, արմատն
եռացրած ջրով եփում են և ուտում:

Ապրիլի 1-ին: Առուների եզրերում է բուսում: Որպես թեր գցում են թանապուրի մէջ:

Բազուկ: Աճում է շաղափի մէջ. անհաց ուտում են:

Խոզնառու: Նման է սինձին. միայն արմատներն են տարբերում: Մարգագետինների (չայիրների) միջին են քաղում, աղցան պատրաստում, ապա կաթով, իւղով և ձուով տապակում են և ուտում:

Բլրլարու: Քաղում են դաշտերից. տերեւները աղցան են պատրաստում, իսկ արմատը, որ կոչւում է առու, անհաց ուտում են:

Չորանխարիչ: Շատ նման է բլրլարուին, բայց դառն է: Ուտում է ոչխարը:

Բարձմանուկ: Բսնում է դաշտերում: Իր գեղեցկութիւնն են կազմում կանաչ մանր ու շատ նուրբ տերեւները և դեղին կամ սպիտակ ծաղիկները: Ունի անոյշ հոտ: Թարմ ժամանակ յատկապէս ուտում են ոչխարները:

Սիրիս: Դաշտերում է բսնում: Ունի երեք կանաչ տերեւներ և երկար ցողուն: Չրով եփում են. քամում և աղցան պատրաստում կամ իւղով ու ձուով տապակում:

Խառնի: Բսնում է դաշտերում: Աղցան են պատրաստում:

Բարադուր: Աղբիւրների և առուների ջրերի մէջ է բսնում: Հացով ուտում են:

Պոպոլ: Աճում է մարգագետիններում: Արմատն ուտում են հացով կամ անհաց:

Խրիւնդոշ: Ունի 1 1/2 մետր բարձրութիւն. կանաչագոյն է. բսնում է մարգագետիններում և առուի եզրերում: Եփում, աղցան են պատրաստում և ուտում:

Խառնի: Բսնում է առուի եզրերում: Ունի մեծ թփեր և նուրբ ճիւղեր. թարմ ժամանակ կանաչ է, իսկ երբ հասնում է, ճերմակում է. զլխին ունի վարդանման կտկոն: Երբ բացւում է, շուրջը բսնում են տերեւները, իսկ ներսում՝ դեղին հատիկներ, որոնք քաղում են. եփում անգամ ջրով լւանում, ապա մի բաժակ ջուր ամուր, շաքարաւազով քաղցրացնում և տալիս հիւանդին: Մաքրում է ստամոքսը, կարում տաքութիւնը և նպաստում մարսողութեանը:

Կապոյտ եօնջա: Բսնում է դաշտերում և արտերում: Բազմաթիւ ճիւղերով տարածւում է գետնի վրայ: Ուտում են անասունները:

Գեղիկ եօնջա: 20-30 սնում. բարձրութեամբ ուղիղ վերեւ է տարածւում: Բսնում է դաշտե-

րում: Չորացնում և տալիս են անասուններին: Կանաչ ժամանակ կովը և եզը չեն ուտում, որովհետեւ ուռչում են:

Տօթ: Բսնում է խաղողի այգիներում, արտերի մօտ: Ունի 10 սնում. բարձրութիւն: Նոյնքան էլ հողում արմատն է աճում: Կարմրագոյն է: Գորգի համար ներկում են երեք տեսակ թելեր՝ կարմիր, նարնջագոյն և վարդագոյն (սուրբաթի), որոնց առանձնայատկութիւնն այն է, որ իրենց գոյներն երբեք չեն փոխում:

Ճիւղ: Ճահիճներում է բսնում: Կանաչ է և թուփ-թուփ: Ունի բազմաթիւ տերեւներ (թերեր), որոնց թաց ժամանակ ուրորում են իրար հետ և պարան պատրաստում, անասուններին ախոռում կապելու համար:

Թալիս: Բսնում է դաշտերում և մասամբ էլ սարալանջերում: Բարձրութիւնն է 40 սնում: Կապոյտ է և ունի դառն հոտ: Բացի եգիպտացի, բոլոր անասուններն էլ ուտում են:

Դառնիչ: Բսնում է դաշտերում: Կանաչ-մոխրագոյն տերեւներին առանձին գեղեցկութիւն են տալիս փոքր սպիտակ ծաղիկները: Բարձրանում է 20-25 սնում: Քաղում, չորացնում և տալիս են ոչխարներին: Անխորժ և դառն հոտ ունի: Ոչխարների ամենասիրելի և սննդաւոր կերն է:

Դառնաշիւղ: 50 սնում. բարձրագիւր կանաչ բոյս է, որը թարմ ժամանակ խիտ դառն հոտ ունի: Սեպտեմբերին քաղում են դաշտերից և աւել պատրաստում, զլխաւորապէս կալը մաքրելու համար: Ուտում են նաեւ անասունները:

Եղաւիղ: Կակուղ, նուրբ բոյս է, բաց-կանաչ գոյնով և 50 սնում. բարձրութեամբ: Բսնում է դաշտերում: Ուտում են անասունները: Երբ հասնում է, պատրաստում են աւել և մաքրում տան սենեակները:

Քոճակ: Ունի 15 սնում. բարձրութիւն և գոյն-գոյն կոճակներ: Շատ դառն է: Թարմ ժամանակ դաշտերից քաղում են և անասուններին կերակրում, իսկ գարնան գիւղական աղջիկները փնջեր են կապում և սենեակներում կախում:

Կարնուկ: Բսնում է ճահճոտ տեղերում: Ունի մուգ-կապոյտ երանգով ծաղիկներ և արտադրում է շատ դառն կաթ: Քաղում, չորացնում և ձմեռը տալիս են անասուններին:

Վարդապետ: Բսնում է դաշտերում և ցանքերի մէջ: Բարձրութիւնն է 10 սնում: Գեղեցկութիւնն են կազմում կանաչ տերեւները և

կատարին՝ ցորենի հատիկների նման բացւած խիտ և կապոյտ ծաղիկները: Մաղկում է Զատիկին: Երեխաները քաղում են և ձու ներկում. ծաղիկներն ուտում են ոչխարները:

Բաղաւաճ ծաղիկներ: Բսնում է խոնաւ և հոտաւէտ տեղերում: Հինգ սանտիմետր բարձրութիւն և բարակ ցողուններ ունի: Առանձին գրաւչութիւն են տալիս վարդանման և 7 տեսակ գոյներով բացւող մանր ծաղիկները, որոնց քաղում և աճում են մի շէր մէջ, վրան մի կաթիլ ջուր և մի կաթիլ իւղ կաթեցնում, ապա փակում և ամբողջ երկու ամիս դնում արեւում: Ծաղիկներին հիւթը դառնում է իւղանման, որը կոչւում է բալասան ծաղիկ իւղ: Դա բուժիչ յատկութիւն ունի. բժշկում է մարմնի այրւած մասերը:

Գեղաւաճ: Բսնում է ճահճոտներում: Ունի 40 սնում. բարձրութիւն և դառնակի շեղփի նման տերեւներ (թերեր), որոնք հարուստ են բազմաթիւ թփերով: Գեղեցկութիւնն են կազմում կանաչ, դեղին և ճերմակ ծաղիկները: Ապրիլին քաղում են, չորացնում և Գեղեցկութեան-Յունաւոր ամիսներին տալիս են անասուններին:

Ջիւղ խոտ: Դիպղ բոյսին շատ նման է. բաց-մոխրագոյն է և ունի 20 սնում. բարձրութիւն: Քաղում են մարգագետիններից, չորացնում և Գուլիս-Օգոստոս ամիսներին կերակրում են անասուններին:

Սիրիկ: Բսնում է առուի եզրերում. նման է շաղափին. ունի կանաչ և թուփ-թուփ մանր տերեւներ: Անասունների ամենասիրած խոտն է. ուտում են թէ՛ թարմ և թէ՛ չոր ժամանակ:

Փարսարուկ (փարսարուկ): Երկար ճիւղերով տարածւած է արտերում: Ունի կանաչ լայն տերեւներ: Փաթաթւում է իր մօտ գտնւած բոյսերին, որից առաջացել է իր անունը: Գարնան հնձում են բոյսերի հետ և տալիս անասուններին: Նոյնպէս չորացնում են և ձմեռ ժամանակ կերակրում կենդանիներին:

Փիլոն: Բսնում է գետեզրում և արմատը միշտ ջրումն է: Ունի մօտ 2 մետր բարձրութիւն և բազմաթիւ թփեր, իսկ գազաթիւն բամբակի նման սպիտակ փունջ: Քաղում, չորացնում և ձմեռը տալիս են անասուններին: Գորցնում են ձմեռը տալիս և պատրաստելիս. ծածում են նաեւ տան յարկը պատրաստելիս. երբ ամրացնում են գերանները, ծածկում են նախ բարակ ճիւղոտներով, ապա փիլոններով:

Ղալաւիղամիւղ: 10 սնում. բարձրագիւր բոյս է, զլուխը մոխրագոյն կոճակներով զարդարուն,

որոնց երեխաները քաղում են, կեղեւը պոկում և ճերմակ միջուկն ուտում: Թարմ ժամանակ ուտում են նաեւ անասունները: Բսնում է արտերում:

Նարմալ: Բսնում է մարգագետիններում: Ունի մուգ-կանաչ գոյն և 10 սնում. բարձրութիւն: Հնձում են Յունիսին, չորացնում և ձմեռն անասուններին տալիս:

Կօժղաւ: Բսնում է զլխաւորապէս Ղիվասեան, Աղբուլաղ, Քոնալք և Սիրաք գիւղերի ջրառատ տեղերում: Ունի 30 սնում. բարձրութիւն և բազմաթիւ ցողուններով թուփեր: Անասունների համար ձմրան պաշար է:

Եղաւ շեղոն: Ունի 3-4 կանաչ, լայն և եզան լեզուի նման տերեւներ: Բսնում է բաղանջերում (պարտէզներում) և առուի եզրերում. անասուններին կեր է: Ունի բուժիչ յատկութիւն. մատնացաւի դեղ է. դնում են նաեւ վէրքի վրայ և թարախը քաշում:

Բարաւաճ: 20 սնում. բարձրութեամբ այս տունկն ունի 3-4 լայն տերեւներ: Գլուխը հարուստ է սերմերով: Բսնում է առուի եզրերում և բաղանջերում: Կրծքացաւի դեղ է. եփում են և ջուրը խմում:

Չաքաւաճ: Բսնում է դաշտերում: Փուռում է գետնին և զարդարում սպիտակ ծաղիկներով: Սրա հիւթը շատ դառն է: Թարմ ժամանակ ծեծում և դնում ոսկրացաւ կամ ուռուցք ունեցող հիւանդների վէրքի վրայ:

Ծոճուկ: Բսնում է դաշտերում: Ունի մի մետր բարձրութիւն և հաստ ցողուններ: Իր գեղեցկութիւնն են կազմում կապոյտ-մանիշակագոյն ծաղիկները, որոնց ջրով եռացնում են և թոքերը մրսած հիւանդին տալիս:

Սաղաք: Բսնում է դաշտերում և յատկապէս ցանքերի մէջ: Ունի 10 սնում. նուրբ ցողուն և նոյն երկարութեամբ էլ բարակ տերեւներ: Կատարին բացւում են 4 հատ մանիշակագոյն ծաղիկներ: Ուտում են անասունները, իսկ կրծքացաւ ունեցողները թարմ ժամանակ ուտում են կամ չորացնում, եփում և ջուրը խմում:

Պողոսիկ: Բսնում է դաշտերում, յատկապէս առուի եզրերը: Այնքան խիտ է աճում, որ կանաչ մանրագոյն քաղել: Ունի մօտ կէս մետր բարձրութիւն և մանր ու դեղին ծաղիկներ: Քաղում են, չորացնում և ձմեռը տալիս անասուններին: Սրա էական յատկութիւնն այն է, որ ներքին: Սրա էական յատկութիւնն այն է, որ հողին կարողութիւն է տալիս: Երբ վարում և

որեւէ հացաբոյս են ցանում, շատ առատ բերք են ստանում:

Իժուռ միջուկը: Հազազգիւտ մի բոյս է: Ունի 20 սնում. բարձրութիւնը և շատ մանր կանաչ տերեւներ, որոնք նման են այծի մօրուքի մազերին: Սրա մի թուփի վրայ կան 2-3 բարձր տունկեր. որոնք զարդարած են դեղին ծաղիկներով: Բսնում է արտերում: Թարմ ժամանակ տերեւներն ու կեղեւը պոկում են և ճերմակ միջուկն ուտում: Այս բոյսը հազազգիւտ մի գեղ է, որովայնն ուռած հիւանդներն եփում են, ուտում և բժշկում:

Ուշի յանգալ: Տարածւում է դաշտերում՝ հողի վրայ: Կաշուն խոտ է թփերով և տերեւներով զարդարուն, որոնք նման են ուշի ականջներին: Զորացնում և ձմեռը տալիս են անասուններին:

Իշուռ փոշու: Մօտ մի մետր բարձրադիր, կապոյտ, փշածածկ թերերով և գլուխը փնջով զարդարուն այս խոտը, բսնում է դաշտերում և գլխաւորապէս խոնաւ տեղերում: Որքան բարձրանում է, նոյնքան էլ արմատը հողումն է աճում: Իշուկների ամենասիրած կերն է. դրա համար էլ կոչում են իշու փուշ:

Գաթօռ: Բարձրութիւնն է 10 սնում: Ունի մոխրագոյն և դանակի չեղբի նման տերեւներ, որոնց քաղելիս գիւղացիների ձեռքը դանակի նման կտրում են: Բսնում գետեզրում: Ուտում են ուղան ու ձին:

Քօղայ: Բսնում է դաշտերում և սարալանջերում: Կապոյտ և հաստ բոյս է, մօտ 5 սնում. բարձրութեամբ: Քաղում են Յունիսին, չորացնում և ձմեռը տալիս են անասուններին:

Սեգ: Կանաչ խոտ է, որի արմատը տալիս են անասուններին: Աւել եզրերի զարդն է:

Զօմբոռ: Ունի բաց-կապոյտ գոյն և 15 սնում. բարձրութիւն. բսնում է դաշտերում: Քաղում են Յունիսին, չորացնում և ձմեռը տալիս են անասուններին, որոնց սիրած խոտերից մէկն է:

Բիւակ: 20 սնում. բարձրութեամբ, բաց-կանաչ տերեւներով, կաշուն և դառն խոտ է: Ունի տարօրինակ յատկութիւն. երբ հերկում են գետինը, նոյն տեղումն էլ բսնում է: Անասունները չեն ուտում: Լիշանցի պարսկները ցանում են բրնձի արտերում, որպէսզի հողը կարողութիւն ստանայ:

Ճնձղանըլի: Բսնում է դաշտերում: Ունի մեծ թփեր, մանր տերեւներ և երկար ճիւղեր, որոնք տարածւում են գետնի վրայ. ծածկւում է մանր ստաւֆի նման կոճակներով, (բլիթնե-

րով), որոնց երեխաները քաղում են և ուտում: Ունի հովանոցի նման ճերմակ ծաղիկներ: Ուտում են միայն ոչխարները: Շատ են սիրում ճնձղակները, որի համար էլ կոչւում է ճնձղաբլիթ: Ունի բուժիչ յատկութիւն. հազի դեղ է: Նոյնպէս ծեծում են, եփում, ճերմակ տուխտի հետ խառնում և դնում շիթի վրայ. թարախը քաշում է և վէրքը բուժում:

Սիւն: Բսնում է դաշտերում: Պատրաստում են աղցան, կաթով կամ հում սերով և կամ հակիթով տապակում են և ուտում:

Բաւնար: Քաղում են դաշտերից և աղցան պատրաստում: Նոյնպէս եփում են յատուկ կերակուր, որին կոչում են բանջար. մէջն ածում են դառաւուր և այլ համեմունք: Սա շատ համեղ կերակուր է:

Տափակ խոտ: Ունի լայն կանաչ տերեւներ. փուռում է գետնի վրայ: Գարնան բսնում է դաշտերում, քաղում և թարմ-թարմ տալիս են անասուններին:

Հօռ: Բարձրութիւնն է 10 սնում: Ունի մանր, կապոյտ տերեւներ և կարմիր-կանաչ ծաղիկներ: Բսնում է հերկած վայրերում: Վայելում են անասունները:

Շիրալի: Բսնում առուների և ամենից շատ քահրիզների առջեւ, ջրերի մէջ: Կապում է ջրի հոսանքը: Ունի մետրուկէս բարձրութիւն և տարին 12 ամիս կանաչ է մնում:

Ղալարաւակ: Ունի կանաչ տերեւներ և կարմիր-կանաչ ծաղիկներ: Բսնում է չիմաններում: Զորացնում և տալիս են տաքութիւն ունեցող հիւանդներին:

Քաղիչ: Բաց-կանաչագոյն և դեղին ծաղիկներով այս խոտը բսնում է կտաւահատների մէջ: Ունի կէս մետր բարձրութիւն և սերմի հատիկներ, որոնցից ձէթ են պատրաստում, որը քսում են բոլոր այծերին և ուղտերի վէրքի վրայ:

Թօղղղակ: Բսնում է գետեզրում: Խառնում են կրի հետ և ծեփում բազնոսի պատերը:

Զալանակ: Ունի կապոյտ ծաղիկներ, որոնց մէջ կան փոքր սեւ հատիկներ: Քաղում են արտերից, չորացնում և ձմեռը տալիս են անասուններին: Բարձրութիւնն է 20 սնում: Բսնում է սարերում և դաշտերում:

Գէղղղալի: Կանաչ-դեղնագոյն է և շատ նման է իծու ականջներին, որից առաջացել է իր անունը: Բսնում է դաշտերում: Ունի հարուստ փոշի. անասունները չեն ուտում:

Ուստադուտուզ: Բսնում է աւել ավելը կամ չիման տեղերում: Գործածում են որպէս լուծողական:

Կատալի հաղող: Ունի 30-40 սնում. բարձրութիւն, բարակ, մանր տերեւներ և կարմիր-կանաչ ջրային գնդիկներ: Բսնում է այգիներում: Գործածում են ատամնացաւ ունեցողները:

Պեծակալիոշ: Մոխրագոյն է. ունի կէս մետր բարձրութիւն, գնդաձեւ ծայր և փոքր փշեր: Բսնում է դաշտերում: Անասուններն ուտում են թէ՛ կանաչ և թէ՛ չորացրած ժամանակ:

Սարազ: Բսնում է Սիրաք գիւղի դաշտերում. Բունովի տափում: Լայն տերեւներով փուռում է գետնի վրայ, իսկ մէջտեղի հաստ արմատը, մարդահասակ, գինորի նման, ուղիղ, բարձրանում է, որից առաջացել է իր անունը:

2. ԼԵՈՒԱՅԻՆ ԲՈՒՍԱԿԱՆՈՒԹԻՒՆ

Սիւն: Բսնում է ընդհանրապէս սարալանջերում, որի կաթից ծամոն են պատրաստում, որն անշափ սիրում են փոքրերը:

Քաւնգաւ: Գլխաւորապէս սարալանջերում և մասամբ էլ դաշտերումն է աճում: Սա Զարմահալի հայ գիւղացիների պատրաստած կերակուրների զարդն է, միաժամանակ նրանց ամենասիրած և ամենապատուական բուսեղէնը, որը մաքրում են, եռացրած ջրով եփում, ապա լցնում քրում են, եռացրած ջրով եփում, ապա լցնում կոչում են Քաւնգաւուտ: Երբ քահաղը «պառնում» է, քաղում են, չորացնում և ձմեռը ոչխարներին կերակրում:

Զօլա: Սրանով հարուստ են Զօմբինի և Քեալար սարը և Զար բազար հովիտը: Երբ թարմ է, գիւղացի երեխաները փշոտ կեղեւը պոկում են և կանաչ միջուկն ուտում, իսկ երբ հասնում է, «պառնում», քաղում, չորացնում և ձմեռը մանրացնելով՝ կերակրում են ոչխարներին:

Ճերմակ բաւնար: Բսնում է սարերում և լեռնադաշտերում: Ունի սպիտակ-մանրաշագանակ փնջանման ծաղիկներ: Երեկոյեան թառամում է, իսկ արեւածագին բացւում ու գեղեցկանում է, «պառնում» արմատը շաքարի նման քաղցր է, իսկ Սպիտակ արմատը շաքարի նման քաղցր է, իսկ իր մէջ, սինձի նման, ունի քաղցր կաթ: Ուտում են անասունները, յատկապէս շատ սննդաբար է ոչխարների համար:

Զօլակ: Զօլի արմատը կոչում են չօլակ, որ երբ մետր խորութեամբ բսնում է հողում: Փո-

րիչով հանում են հողից, մաքրում դանակով, չորացնում և ծեծում, ապա լցնում են եռացրած ջրի մէջ և լանում բրդեղէն ու կտաւեղէն զգեստները:

Ղաւնդօլի: Բսնում է լեռնալանջերում կամ ստորոտներում: Ամէն տարի արմատից կանաչում և դառնում է մի մեծ և լայն թուփ: Բարձրանում է մօտ կէս մետր: Ունի սպիտակ, կլոր ծաղիկներ: Աճում է գարնան և ապրում մինչեւ աշուն: Ուտում են անասունները: Նոյնպէս քաղում են, չորացնում և ձմեռը տալիս են կենդանիներին: Այս բոյսով շատ հարուստ են Մամուռն, Ալբուլաղ և Բօլգաշի գիւղերը:

Լօթօք: Այս բոյսին գիւղացիները կոչում են «ծառ»: Քաղում են սարերից: Ունի 10 սնում. բարձրութիւն. իր տերեւներով տարածւում է հողի վրայ: Յայտնի է իր կարմրագոյն պտուղով, որին ասում են լօթօք: Թարմ ժամանակ կեղեւը պոկում են և կարմիր միջուկն ուտում:

Այժմ Աբաղանում բնակող բնիկ Զարմահալի Դանիէլ Բաբումեանը, մի առանձին կաթով իր մանկութեան քաղցր օրերը յիշելով, գրում է.

«... կը բարձրանայի բարձր սարից, Մեծ, ահարկու ժայռ ու քարից. Խաւովիլ ու լօթօք, պոստ կը քաղէինք վաղ-վաղ¹: Մին էլ տեսար մութն ընկաւ, կը դառնայինք տուն վաղէվազ: Երբ վաստակած² կը գայինք տուն, Հարս, աղջկերք ուրախ, ժպտուն, Ողջ խլում ին³ ծիծաղելով, Մենք ուրախ ենք ու զարթուն»:

Ուրիշ: Աճում է սարալանջերում և չայիր-չիմաններում: Կանաչ է և ունի 10 սնում. բարձրութիւն: Վարդից աւելի անուշահոտ է: Յայտնի է իր բուժիչ յատկութեամբ: Գործածում են սրտցաւ և ստամոքսացաւ ունեցողները: Պատրաստում են նաեւ օղի և տալիս սրտցաւով տառապող հիւանդներին:

Պաւա: Կանաչագոյն է, իսկ արմատն սպիտակ է և ունի գնդիկներ: Բսնում է սարերի գագաթներում: Ուտում են հաց ու պանրով կամ չորացնում և ապուրի մէջ լցնում:

(1) Շուտ-շուտ, աճապարեւ, շտապել, (2) Յոգնած, (3) Էին:

Խաչքաղի: Ունի 20 սնում. հաստ ու ճերմակ արմատ: Լայն, կանաչ տերեւներով փուռում է հողի վրայ: Բսնում է սարի գագաթին: Թէ մեծերը և թէ փոքրերը ծամում են սրա արմատը և թթւաշ ջուրը ծծում, որ մարսողութեան անհափ նպաստում է:

Ղխաղ: Բսնում է թէ սարերում և թէ մարգագետիններում: 20 սնում. բարձրանում է: Յողունը կանաչ է և կատարը շաքարագոյն: Չորացնում են: Անասունների ամենասիրած կերն է:

Մկան գարի: Բսնում է թէ սարերում և թէ դաշտերում: 10 սնում. բարձր, շաքարագոյն, նուրբ մի խոտ է, որը շատ փոքր է և գարու նման է: Հնձում են Յուլիս-Օգոստոս ամիսներին, չորացնում և ձմեռը տալիս են անասուններին:

Կապոյտ փռչ: Բարձրանում է 10 սնում. և գլխին ունի փշածածկ կապոյտ գնդիկներ: Յուլիսին սարերից քաղում են, չորացնում և ձմեռ ժամանակ տալիս են ոչխարներին, որոնց ամենասիրած կերն է:

Չարնայ: Ունի նուրբ տերեւներ, բայց այնպիսի կծու հոտ, որ իրեն մոտեցողն իսկոյն փոշտում է: Քաղում են սարալանջերից: Անասունները չեն ուտում:

Բոքալ: Ունի մօտ կէս մետր բարձրութիւն: Քաղում են սարալանջերից և կալը մաքրելու համար աւել են պատրաստում: Շինում են նաեւ Բոքալ: Շարում են պատերի վրայ, որպէսզի անձրեւից պաշտպանուի: Նոյնպէս իբրեւ վառելիք գործածում են թոնրում. իսկ երբ ձին, էջը և ջորին մրսում են և հիւանդանում, վառում են նրանց փորի տակ, կողքերի մօտ, որից յետոյ նրանք առողջանում են:

Մոշախ: Սարերում աճող մի արդիւնաբեր բոյս է: Գոյնը ճերմակ է: Մաքրում են և զգում սառը ջրի մէջ և մի շաբաթ, ամէն օր, ջուրը փոխում, որպէսզի դառնութիւնն անցնի: Ապա քամում են ջուրը, եռացրած ջրով եփում, քամում և վրան աղ ածում. յետոյ մածունի հետ խառնում և լցնում քսակի մէջ, որպէսզի մածունի և քամի, ապա ուտում են: Սրան գիւղացիները կոչում են քիլիքայ:

Քաղալոռ: Բսնում է բարձրագագաթ սարերի վրայ և ձիւնի տակ: Հարուստ է ֆոսֆոր (Ուովար) սարը: Երբ ձիւնը հալում է, երկու օր անց քաղում են: Ունի դեղին տերեւներ և ճերմակ արմատ, որն եփում և փռում են հողի վրայ:

Ապա երկու ժամ պահում են ջրի մէջ, որպէսզի քաղցրանայ: Յետոյ քամում են ջուրը, աղով փաթաթում և կաշիէ քսակի կամ կճճի մէջ ածում, վրան քար դնում, որ պնդանայ: Չմրան ուտում են կերակրի հետ: Տկերով տանում են նաեւ Նոր-Չուրա և վաճառում: Նոյնպէս չորացնում և ածում թանի մէջ:

Բօնրօսի: Կապոյտագոյն և 15 սնում. բարձր այս բոյսն աճում է սարի գագաթին: Պատրաստում են աղցան:

Գոշուրի: 23 սնում. բարձր, կանաչագոյն, անոյշ հոտով այս բոյսն աճում է սարերի ծմակ մասերում: Չորացնում և ածում են թանի մէջ:

Բոնգանդի: Կանաչագոյն է և ունի կէս մետր բարձրութիւն: Բսնում է սարի գագաթին: Չորացնում և տալիս են ոչխարներին:

Ժախ: Մանր կանաչ տերեւներով փուռում է սարի կատարի վրայ: Ոչխարների համար ամենասիրտարար կերն է:

Չվիլ: Բարձրանում է կէս մետր և ունի շատ մանր կանաչ տերեւներ: Բսնում է սարերի գագաթի վրայ և ժայռերի ծերպերում: Չորացնում և ձմեռը տալիս են անասուններին: Շատ սնունդարար է ոչխարների համար: Ունի շատ անոյշ հոտ:

Չրանդ: Ունի մանր, կանաչ տերեւներ և $\frac{3}{4}$ մետր բարձրութիւն: Բսնում է բարձր ժայռերի վրայ: Չորացնում և ձմեռը տալիս են անասուններին:

Գօշարդի: Գեղնագոյն և անուշահոտ այս ծաղիկը ծաղկում է Համբարձման օրերին: Ունի $\frac{3}{4}$ մետր բարձրութիւն: Քաղում են սարերի գագաթներից, չորացնում և ձմեռը տալիս են միայն ոչխարներին:

Գրով: Կանաչ տերեւներով և դեղին ծաղիկներով մի տունկ է, որը բսնում է սարոտ տեղերում: Չորացնում և ձմեռը տալիս են անասուններին:

Քարդոշ: Բսնում է լեռների և ձորերի վրայ՝ քարերի արանքներում: Թփի նման է. ունի մի քանի ճիւղեր, որոնք բարձրանում են մօտ կէս մետր: Ամէն մի ճիւղն ունի մի տերեւ, իսկ ցողունը թփից բարձրանում է մօտ կէս մետր: Թուփն արմատից քաղում են, չորացնում և 2-3 անգամ ջրով եռացնում, մինչեւ ջրի վերջանալը, որպէսզի կծու յատկութիւնն անցնի: Ապա հացով ուտում են:

Նշանման խոտ: Բսնում է սարերում և դաշ-

տերում: Շատ առատ է Մամուռան գիւղում: Թփի նման է: Ունի փոքրիկ կանաչ տերեւներ և շատ մանր, սպիտակ ծաղիկներ: Չորացնում և ձմեռը տալիս են անասուններին:

Քեւառակ: Բսնում է սարերում և դաշտերում: Կապոյտագոյն է, ունի կոշտ փշաւոր տերեւներ և 20 սնում. բարձրութիւն: Չորացնում և ձմեռը տալիս են անասուններին: Սեւ արմատները վառելափայտի տեղ են գործածում:

Խօշաւնգայ: Կապոյտ գոյնով է. ունի 29 սնում. բարձրութիւն և ուռի նման անոյշ հոտ: Բսնում է սարերի լանջերում և դաշտերում: Չորացնում և ձմեռը տալիս են անասուններին: Օղի պատրաստելիս ածում են մէջը, որ անոյշ հոտ ստանայ: Նոյնպէս դնում են կճճի և թթու վարունգի մէջ, որ անոյշ հոտը փոխանցէ պանրին և վարունգին:

Քաւախ: Ունի կէս մետր բարձրութիւն, ճերմակ և մանր, կանաչ տերեւներ: Անհափ անուշահոտ է: Բսնում է սարի գագաթի վրայ: Թարմ շահոտ է: Բսնում է սարի գագաթի վրայ: Թարմ ժամանակ ուտում են էջը, ջորին և ձին, իսկ չորացրածը տալիս են ոչխարներին, որոնց անհափ սննդարար է:

Գեւաւոր: Գեղնագոյն է և բարձրանում է 20 սնում: Բսնում է սարի գագաթին և փուռում դեղին ներկ են պատրաստում:

Ղնտղայ: Բսնում է սարերի լանջերի վրայ: Կապոյտ է: Ունի փշաւոր տերեւներ և $1\frac{1}{2}$ մետր բարձրութիւն: Չորացնում և ձմեռը տալիս են ոչխարներին, եզան և իշուկին:

Հաւաժայ: Բսնում է Բոշաքու սարի վրայ: Ունի կարմիր տերեւներ, որոնց քաղում են, չորացնում, ապա այծի ճրագուի (ճարպի) հետ խառնում, տաքացնում և դնում ուռած աչքերի վրայ:

Չառօվայ: Հարուստ է Չարմահալի Քեւալար սարը: Գեղ են պատրաստում: Թէյի նման եռացնում են և տալիս քամի ցաւ ունեցող հիւանդներին:

Մանդաք: Բսնում է սարի լանջերի վրայ: Թարմ և չորացրած ժամանակ ուտում են անասունները:

Բերդիտ: Շաքարագոյն բոյս է: Ունի 20 սնում. բարձրութիւն, իսկ ծայրին 2-3 գնդիկներ, որոնց մէջ բամբականման կակուղ նիւթ կայ: Երբ բնութիւնը որեւէ գիւղացու տունն է գնում, գուշակում են, թէ հիւր է գալու: Չորացնում և տալիս են անասուններին: Բսնում է թէ սարերում և թէ դաշտերում:

Ջէյրանի եօնջա: Բսնում է սարերի և լեռնադաշտերի վրայ: Փուռում է գետին: Ունի կանաչ տերեւներ և կարմիր ծաղիկներ: Ուտում են ջէյրանները, որից առաջացել է իր անունը: Նոյնքան սիրում են անասունները:

Սարի կակալ: Բսնում է սարերի վրայ և ձորերի մէջ: Ունի կէս մետր բարձրութիւն, կանաչ տերեւներ և սեւ ցողուն: Կատարը զարդարում են 4 հատ կարմիր վարդանման ծաղիկներ: Սպիտակ արմատը սոխի նման կլոր է: Չորացնում են, ապա ջրով թացացնում և քսում քարին: Կաթի նման հեղուկ է դառնում: Այդ հեղուկը ոսկրացաւ ունեցողներին քսում են և բժշկում:

Խօղնի: Բսնում է սարի վրայ և դէմի (անջուր) արտերի մէջ: Փոքրիկ թփեր են և ամէն մէկի վրայ կան ցորենի մեծութեամբ փշաւոր փոքրիկ հատիկներ: Թարմ ժամանակ ուտում է ոչխարը: Շատ կաշու է:

Ահա այս է Չարմահալ գաւառի լեռնային և դաշտային բուսականութեան ընդհանուր պատկերը, որն այնքան մեծ դեր է կատարում գիւղացիների անասնապահութեան, սննդի, առողջապահութեան գծով և նրանց տնտեսական կեանքում *:

ԱՐԱՄ ԵՐԵՄԵԱՆ

Թէյրամ

(*) Այս հատածը մի էջն է « Չարմահալ գաւառի պատմութիւնը » խորագրով անտիպ երկիս, 1946 թւին « Չարմահալի Ուսումնասիրաց Միութեան » յարգելի վարչութեան յանձնարարութեամբ անցայ նոյն գաւառի հայաբնակ գիւղերը, զրեւու համար գիւղացիների մանրամասն ազգագրութիւնը, որ այժմ մեծ մասամբ պատրաստ է: